

ԳԱՆՁԱԿԻ ԳԱԻԱՌ

ՆԻԻԹՆԻ ԸՊԸԳԸՑ ՈՒՍՈՒՄՆԸՍԻՐՈՒԹԵԸՆ ՀԸՄԸՐ

Ե. Լալայեանի.

ԱԶԳԱՅՆԱԿՈՒԹԻՒՆ *)



անձակի գաւառում բնակւում են գլխաւորապէս հայեր, թուրքեր, ռուս աղանդաւորներ և գերմանացիներ։ Հայերը և թուրքերը բնիկներ են, իսկ ռուս-աղանդաւորներն ու գերմանացիները գաղթականներ։

Թուրքեր են համարւում նաև թափառական Այուլմաները, որոնք իրանց Ռումից (Նիւզանդիոնից) գաղթած են համարւում, և իրանց կոչումն էլ բացատրւում են որպէս Այ ռում (էյ ռում) կոչականից կազմուած։ Սրանք մահմեդական են, շիի աղանդին, խօսում են Ատրպատականի բարբառով, մի առանձին արտասանութեամբ և ոչընչով չեն զանազանւում միւս թուրքերից։ Սրանք բնակւում են Ամիրփար, Աջի, Բիրդէօղ, Այքենդ, Դաստաֆուր, Դամջալի, Գիւնէյ, Դամի, Զադա-դարասի, Ղարաբուլախ և Ղազախ էլչիլախ հասարակութիւնների մէջ։

Բացի Այուլմաներից թուրք են համարւում նաև Սաֆի-Քիւրդ Ղարաչալի, Սաֆի-Քիւրդ Քիւրակչալի և Ըադելի-Քիւրդ հասարակութիւնների բնակիչները, որոնք թէև աղօտ կերպով պահել են իրենց քրդական ծագման աւանդութիւնը, բայց և այնպէս թէ լեզուով, թէ կրօնով և թէ սովորութիւններով չեն տարբերւում միւս թուրքերից։ Նախկին բնակիչ Աղուանները այնպէս ձուլուել են հայերի և թուրքերի մէջ, որ հետքերն անգամ չեն նկատւում։

Կուլտուրական տեսակէտից ամենից բարձր համարւում են գերմանական գաղթականները, յետոյ ռուս-աղանդաւորները, ապա հայերը և ի վերջոյ թուրքերը։ Վիճակագրական բաժնում առաջ կը բերենք այս ժողովուրդների ինչպէս բացարձակ, այնպէս և համեմատական թուերը, այժմ տալիս ենք մի քանի պատմական և ազգագրական տեղեկութիւններ։

*) Տես Ազգ. Հանդէս, գիրք Ե.